

Aug



Te Avae Atete 1953

TE HEHEURAA API

To Adamu e Eva Haamoriraa i te Atua

Buka Poe Tao'a Rahi Pene 5

I roto i to raua na pue mahana, a parahi ai raua i roto i te ô i Edene te tia noa ra ia Adamu e Eva i te orihaere noa, e oia atoa i te parapanan atu i te Atua, o tei riroei hoa no raua i roto i to raua tiahaparaa apî.

Area ra, i muri a'e i to raua tiavaru-raa-hia i rapae i te ô, aita a'era i tia faahou ia Adamu e Eva i te ite mata atu Ia'na. Te vai noa ra to raua here i te Atua, mai te tamau i te pure atu Ia'na, ia tia faahou raua ia tae i te hoê mahana ia parahi faahou i pihai'ho Ia'na.

No te faaite maura a i te Atua e te tamau maite noa ra raua i te here Ia'na, ua pupu atura, o Adamu e o Eva i te tahi mau Tutia. No te hamaniraa i ta raua fata, ua haaputupu a'era raua i te tahi mau ofai mai te tuu atu i nia'hoi te tahi mau raau o te riro ei vahie ia tia ia raua ia tutui.

I reira, maiti atu ai raua mai roto mai i ta raua mau faapu, i te tahi piua mamoe o te riro ei tutia. No te faaite-raa hoi i te Atua e, e horoa noa'tu raua i ta raua faufaa na te Atua ra.

E ua riro atoa ei haamana'oraa ia raua e, te vai ra te mahana, e pou mai ai Iehova i te ao nei, ei taraehara, o te pupu-atoa-hia ei tusia i nia i te satauro, no te faaoraraa ia raua, mai roto mai i te pohe e te hara. Ua faaue-ê-hia na o Adamu raua o Eva e te Fatu ia pupu atu i teie mau tusia ra.

E tae a'era i te hoê mahana, na fâ maira te hoê melahi ia Adamu, mai te haapii atu ia'na i te evanelia a te Mesia, to'na i'oa o Iehova. Ua paran atoa atu hoi te melahi ia'na e,

mai te
mahar
atu i n
e Eva.

bapeti
e no te
ra ite
haamo

U. 10

P.

U. 11

P.

Atua

mai te mea, ua tia ia raua i te farii i te Evanelia, te vai ra ia te mahana e farii faahou mai ai te Atua ia raua i te hoi faahou atu i mua i To'na ra aro, o tei riro ia ei titauroa na Adamu e Eva.

Ei muri a'era i to rana poro-raa-hia i te Evanelia, ua bapetizohia a'era raua mai te farii atoa atu i te Varna Maitai, e no te mea ua roaa ia raua te hoê huaai, ua poro atoa atura ra ite Evanelia ia ratou maite haapii ia ratou i te pure e te haamori hoi i te Fatu.

To Iesu Apiraa

U. 10 A faaroo ai to Iuda ia Ioane, o vai ia oia i to ratou mana'oraa?

P. No te huru o ta Ioane a'oraa, ua mana'o to Iuda ra o te Mesia oia. Ua pahono maira oia, aita. Ua ani faahou maira ratou, "O Elia anei oe". Ua parau atoa maira oia, aita. Ua parau mai râ oia, o te reo vau o te hoê e pii haere i te medebara e, "E faatitiaifaro i te e'a o te Fatu." (Ioane 1:19-23)

U. 11 O Elia anei Ioane?

P. Ua anihia mai o Ioane, "O Elia anei oe," parau atura oia, e ere au. I muri'ho i to Iesu, e o Petero, e o Iakabo, e o Ioane pouraa mai, mai te mou'a maira, i te vahi i ite ai ratou i te orama no Mose e Elia, ua na o atura Iesu ia ratou, "Eiaha roa outou

e faaite i te taata i ta outou i ite nei, e ia tia faahou maite tamaiti a te taata mai te pohe maira,” Ua ani atura te mau pīpī Ia’na, “Eaha hoi i parau mai ai te mau papai parau e, o Elia na te haere mai?” Ua parau maira Iesu ia ratou, na o maira, “E na mua mau â hoi Elia e faatia i te mau mea atoa ra. E parau atu râ vau ia outou, ua reva mai na Elia; e aore ratou i ite ia’na, ua rave ra ratou i ta ratou i hinaaro ia’na.” * * * Ite atura te mau pīpī e o Ioane Bapetizo ta’na i parau mai ia ratou ra. Ia taio tatou i teie mau parau i nia nei, mai te peu ra e, ua parau maira Ioane e ere ia oia o Elia, area ra ua parau maira Iesu o Elia iho â oia. Ua riro teie mau parau, ei parau maro. E ere râ teie te hoê parau fifi roa, ia ite tatou e, o Elia ia te i’oa no te hoê taata, te i’oa atoa hoi ia no te hoê peropheta tei ora i te tau no Aberahama, o oia atoa ia tei fâ maira ia Iesu mai tei au i te mau parau i faaitehia mai i nia nei. Ua riro atoa te i’oa Elia, ei i’oa no te hoê toroa, te toroa faahoi. Te haapii maira te peropheta o Iosepha Semita, o te mana o Elia, o te mana faaineine ia i te e’a no te mau heheuraa rahi a’e a te Atua, o te Autahu’araa teie no Elia. No reira, ia haere mai te hoê taata mai te faaineine i te e’a no te hoê heheuraa rahi a’e, ua riro ia oia ei Elia, e na roto i teie ferariraa e tia noa ia tatou ia parau e, o Elia oia. E ere iho â ra oia, te peropheta o Elia tei ora i te tau no Aberahama. E ere

U. 12
P.

atoa ia oia tei fâ mai ia Iesu i nia i te mou'a, e tei faaite mai ia'na iho ia Iosepha Semita e ia Olive Tautere i roto i te hielo i Keterani.

U. 12 Faaite mai i te huru no te bapetizoraa o Iesu?

P. Ia haere mai o Ioane i te fenua ra Betabara, i te pae anavai pape Ioridana, ua haere atoa mai o Iesu ia bapetizo-atoa-hia Oia. I to Ioane iteraa Ia'na, ua faaore rii râ oia, no te mea ua faauruhia oia, e ua ite oia e, o te tamaiti teie na te Atua ra. Parau atura oia e, "O vau hoi ta'oe e bapetizo e tia'i, e te haere mai na oe ia'u nei? Ua parau maira Iesu ia'na, na o maira, a tnu noa mai na; e na reira hoi tatou i te faatia i te mau parau-tia atoa e au ai." (Ioane 3:14-15)

I to Ioane bapetizoraa ia Iesu, e ia haere mai Oia i nia, mai raro mai i te pape, vetea a'era te ra'i Ia'na (ia Ioane) hi'o a'era oia i te varua o te Atua i te pouraa mai, mai te uupa ra e te tauraa mai i nia'ho Ia'na; e inaha e reo maira no te ra'i mai, i te na'o raa mai e, "Tau Tamaiti here Teie, ua marnuuru roa Van Ia'na." (Mat. 3:16-17) Ua riro teie tapao ia Ioane, ei haapapuraa, o te Tamaiti teie na te Atua, o tei bapetizo i te auahi e te Varua Maitai; o te Mesia hoi ia, o tei faaore i te mau hara o te ao nei. Oia hoi tei tono ia Ioane e bapetizo i te pape, i faaitehia maira e, "O ta'oe e hi'o i te Varua i te pouraa mai, e te faaearaa i nia'ho Ia'na

ra, Oia ia, o tei baptizo ia ma te Varua Maitai." (Ioane 1:32-33)

U. 13 Faaite i te aamu parau no to Ioane taparahi-raa-hia?

P. I to Ioane faaite-raa'tu o Iesu ia te Tamaiti na te Atua, ua riro ia e, mai te peu ra, ua oti ta'na ohipa i reira, e aita hoi i maoro i muri'ho, na roto i te ino rahi o te hoê vahine, e na roto i te paruparu o te hoê arii, o Heroda Anitapasa, na haruhia oia e hurihia i roto i te tapearaa. Teie taata o Heroda Anitapasa, e tamaiti ia oia no Heroda, e na faarirohia oia ei teterareha i Galilea, i te poheraa o to'na ra metua. Ua faaipoipo oia i te vahine ra o Areta, te tamahine ia oia no te arii o Arabia. Aita ra i maoro i muri'ho, na tupu to'na here ia Herodia, te vahine no to'na ra taeae o Philipa, e aita hoi i maoro i muri'ho, ua hara oia ia'na. E no teie hara ua faahapa maira Ioane ia'na, mai te parauraa e, ua hape i te ture ia rave oia ia Herodia ei vahine na'na. Hinaaro ihora Heroda i te taparahi ia'na, ua mata'u ra oia i te mau taata o te mana'o ia'na e peropheta. Ia tae râ i te mahaua fanauraa o Heroda ra, ua ori ihora te tamahine o Herodia i mua i to ratou aro, rearea roa a'era Heroda. Ua parau atura oia, ma te tapu e, o ta'na e hinaaro i te ani maira, e horoahia'tu ia e ana. E no te mea, ua a'oê-hia na e to'na metua vahine, ua parau maira oia, e ho mai i te upoo o Ioane Baptizo i roto i te hoê umete. Oto ihora te arii no te tapu na'na ra, e no

U. 14
P.

rave te
au i te
utuahia
te vahi
i rave.
i te ma
oia i te

te mau manihini na'na, ua faaue atura oia ia ho-
poihia mai ia'na ra. E no reira, ua riro o Ioane
Bapetizo te taata matamua i te tau no Iesu, tei
pohe no te Evanelia.

U. 14 Eaha te hopea no teie taata o Heroda Anitapasa?

P. Aita roa oia i manuia. Ua riro to'na ra fetii o Agi-
ripapa ei arii i te fenua Italia. (Te Hau Roma) E
ua taparu mai teie vahine o Herodia, ia haere o
Heroda e titau ia riro atoa oia ei arii. Aita râ
oia i hinaaro i te haere, na roto ra i te maro o teie
vahine, ua faatia oia, haere atura oia i Roma. Ua
ite ê na ra teie arii o Agiripapa i te opuaraa o to
raua tere, e a tae mai ai raua ra, ua faahapahia
raua, e ua parihia raua ei nanu enemi no te hau Ro-
ma. I reira, ua iritihia to'na toroa ei teterareha,
e ua tiahihia raua i rapae ae i te fenua. Pohe atu-
ra raua i fenua ra o Gaulo. (Gaul) Ua ere roa oia
i to'na toroa, e ua ere hoi oia i te faufaa, e te mau
mea maitatai o teie nei ao.

No reira, tera te hopea no teie taata o Heroda. Ia
rave te taata i te hoê ohipa ino, e farii oia i te utua mai te
au i te ohipa ta'na i rave. Mai te mea, aita te utua i faa-
utuahia mai i roto i to tatou oraraa nei, te vai ra te mahana, e
te vahi e haavahia'i te taata'toa, mai te au i te ohipa ta ratou
i rave. Te vai nei te tiama i te taata nei, tei ia'na te maiti
i te maitai e te ino, e tei ia'na hoi te mau ravea e tae atu ai
oia i te basileia o te ao.

Kaina E Abela

Fanau a'era Adamu e Eva e rave rahi mau tamarii. I roto i taua mau tamarii ra te vai ra e piti na tamaiti o Kaina e Abela. Mai te mau tamarii atoa ua tauturu atura rana i to rana na metua, mai te tamau maite i te haapao i te mau raau tupu e tae noa'tu i te mau animala. E riro a'era hoi o Kaina ei taata faaapu i te mau raau o te fenna. E riro a'era Abela ei taata faaapu i te mau animala mai te hi'opea maite i ta'na mau pinia mamoe.

Ua haapii atura hoi to rana na metua ia rana i te haamori tamau i te Atua na roto i te vai'ho atu i te mau pen ata, o teie nei ao. Rave atura Abela mai tei haapiihia ia tia ia'na ia haamori tamau i te Atua. Area o Kaina ra, ua etaeta noa ia oia, e ua patoi noa'tura hoi oia i to'na ra na metua, mai te tapea i roto i to'na ra aau te tahi mau mana'oino. I te mau taime to'na metua e taparu ai ia'na ia pupu atu i te tahi mau tusia i te Fatu, ua riro a'era oia ei taata tahitohito no te mea, te vai paari ra to'na aau i te mau maitai o teie nei ao. Ua tapea hoi i taua mau mea ra na'na iho.

I te man taime a pupu atu ai Abela i ta'na ra mau tusia i te Fatu, te rave ra hoi oia i taua mau mea ra ma te afaro, e te oaoa i te taviniraa i te Fatu. Ua maitai hoi oia mai roto mai i ta'na ra man mamoe i te hoê pinia nehenehe, e te poria maitai o te riro ei tusia na'na ra.

I to'na mana'oraa ra, aita'tu e mea maiti atu i te Fatu, no reira hoi oia i haapao mai ai ia'na, mai te farii mai

ta'na ra mau pupuraa, e mai te haamaitai mai ia'na.

Te here ra hoi Kaina ia Satane, e ua moe te Fatu ia'na, e na roto i te raveraa i te mau ohipa o ta'na i faaue atura, area i ta te Fatu ra, te vai tahitohito ra oia. Ua ite hoi Satane e, ua riro tana mau mea ra ei faaoaoaraa ia'na. Ua patoi noa'tura hoi Kaina i te pupu atu i te tusia i te Fatu na roto i te mau taine o ta'na i ani atu ia pupuhia, area ra na tae i te hoê mahana, ua fâ maira o Satane ia Kaina, mai te faaue ia pupu i te tusia i te Fatu. Inaha, ua papu hoi ia'na e, e pupu atu o Kaina i tana mau tusia ra ma te nounou. E tae atura hoi i te hoê mahana, ua pupu atu ra o Kaina i te tusia i te Fatu, area te Atua ra, ua hi'o ino maira Oia i tana tusia ra, e ia'na atoa.

Ua haapii mai hoi te Fatu ia tatou ia haapa'o noa'tu tatou i Ta'na mau faaneraa na roto i te aau patoi, aita ia tatou i haapao i tana mau faaueraa ra. Ia pupu noa'tu hoi tatou i te tusia i te Fatu, ma te aau nounou, e riro ia te reira i te patoihia mai. O tei riro ia mai ta Kaina. I to Kaina iteraa ua farii mai te Fatu i ta Abela mau tusia mai te patoi mai i ta'na, riri a'era oia.

Ua paraparau noa mai hoi te Fatu ia'na mai te ani atu i te tumu oia i riri ai, e oia atoa i te faaite atu ia'na e, e tia faahou ia'na ia farii i ta'na ra mau tusia mai te mea e pupu atu oia i tana mau tusia ra ma te afaro.

Te hinaaro noa ra hoi Kaina ia riro oia ei fatu no tana mau maitai ra. No reira, feii a'era hoi oia i to'na teina o Abela na roto i te mau maitai i fariihia e ana ra. Te

titau ra hoi oia ia riro mai ia'na tana mau fanfaa ra. Ua fâ faahou maira hoi Satane ia'na mai te faahema atu ia taparahi i to'na ra teina o Abela, a riro atu ai oia ei fatu no tana mau faapu ra.

A haere atu ai oia i rapae, e a tae atu ai i te mau au raveraa ohipa a Abela, ua tia atura oia i mua i to'na ra aro, mai te riri e ua taparahi atura ia'na. Inaha, ua papu a'era oia i te ohipa ta'na i rave, mai te paran atoa e, e taata tiama vau, e teie nei, e topa mai te mau faufaa atoa o to'u teina i roto i to'u nei rima.

Riro ihora hoi Kaina ei taata matamua i haamanii i te toto i teie nei ao. Ua etaeta roa a'era hoi to'na aau, e ua faatia a'era hoi oia i ta'na hapa ia faariro ia'na ei enemi no te Atua.

Area ra, ua paraparau noa maira hoi te fatu ia Kaina na nia iho i ta'na ohipa ino. Mai te reo puai i te piiraa'tu e, "teihea a'era to oe teina". E no te paruru ia'na iho, pahono atura oia e, "ua riro anei au ei tia no to'u nei teina."

Te taparahi noa i te taata ra o te hara ia o te ore e tatarahia. Na roto i to te Atua riri rahi, e no te mea na Kaina i tuu mai i taua hara ra i teie nei ao, ua faautua maira te fatu ia'na. Ia ite ra te Atua ei taata faaapu o Kaina e ua tiaturi oia ia hotu mai te fenua i ta'na ra hotu, ua parau mira te Atua, mai reira mai â, no ta'oe ra hara, eita ia oia e haamaitaibia i te aubune maitai.

Ua parau atoa atura hoi te fatu ia'na, e riro oia ei oere, e ore e mau i te vahi hoê i teie nei ao. Ua maere a'era hoi Kaina no tana mau faautuaraa, faaite atura hoi i te

Fatu, i
to'na t
mau fa
roa ta'
reira, i
taata ia
ereere
atu ia'r

ra mau
i ta rat
E rave
te Atua

Enoha,
ora mai
pue mat
i te pahi
Enoha,
to'na ra
Area E
te mau t

Fatu ia?
taata, ua
Fatu ia
ratou. N

Fatu, na Satane oia i faahema, ia tia ia'na i te taparahi i to'na teina no ta'na ra mau mamoe. A faaroo ai ra oia i te mau faautuaraa a te Atua, ua parau a'era Kaina, ua rahi roa ta'u nei mau utua, eita hoi e tia ia'u ia faaoromai. I reira, riarua roa a'era oia mai te parau e, ia ite noa mai te taata ia'u, e riro ia oia i te taparahi mai ia'u e no reira, faaereere maira te Fatu ia'na, ei tapao i te mau taata'toa e ite atu ia'na, ia vaihohia, e eiaha roa oia e taparahihia.

Enoha E To'na Oire

Ua purara haere atura ra te mau utuafare o ta Adamu ra mau huaai tamarii, i nia iho i teie nei ao, mai te faatupu i ta ratou mau faaapu, e te hamani hoi i to ratou mau oire. E rave rahi te ora ite oraraa maitai, na roto i te tavini raa i te Atua, area ra, vetahi ra te vai tahitohito noa ra ia.

Te parahi atoa ra hoi te hoê taata o tei parauhia Enoha, te metua tane o Metusaela, te taata paari roa'e o tei ora mai i teie nei ao. Ua ora a'era o Metusaela i roto i na pue matahiti e 969. Ei tupuna atoa Enoha no Noa, tei tarai i te pahi i mutaa ihora. No te oraraa maitai i roa mai ia Enoha, ua fâ maira te Atua ia'na mai te ra'i mai i roto i to'na ra mau haerea, e oia atoa i te paraparau atoa Ia'na. Area Enoha ra, e taata taia haere noa ia, e te ri'ari'a noa i te mau taata hara o to'na ra mau mahana.

E tae a'era hoi i te hoê mahana, ua faaue atura te Fatu ia'na ia haere atu i rapae no te a'oraa'tu i to'na mau taata, ua ri'ari'a roa a'era hoi oia. Te hinaaro ra hoi te Fatu ia tatarahapa taua mau taata ra, a ore ra e haamouhia ratou. No reira, ua ani atura oia ia Enoha ia haere i rapae,

e ia tamata i te faaora ia ratou.

Ua faatupu atura taua re'o ra i te ri'ari'a rahi o Enoha, ua parau atura i te Fatu, te vai tamarii nei ā hoi au, e riri mai hoi ratou ia'u, no ta'u nei mau a'oraa taere?

Ua parau faahou atura te Fatu ia'na, haere i mua e a rave mai Ta'u i faaue atu ia'oe, eita hoi ratou e taparahi mai ia oe. Ua parau atoa atura Oia, mai te mea e rave oe mai tei faauēhia, e matara hoi to'oe arero, e riro atoa hoi oe ei taata auvaha parau. Ua parau atoahia'tu hoi ia Enoha e horoa atoa te Fatu i te hoē faatereraa mana ia'na, ia tia ia'na, ia parau i te hoē reo, ia faahauti i te mau mou'a, e te tani atoa i te mau purumu o te mau anavai pape. Mai te tiaturi i te mau parau a te Fatu, ua haamata atura Enoha i te a'o. Ua roaa a'era ia'na te mau parahiraa teitei, e na roto i te hoē reo haehaa ua a'o atura oia ia ratou, ma te faaite atu ia ratou i to'na tere hio'poa, mai ta te Fatu i faaue. E oia atoa i te faaite atu i te mau parau Ta'na i faaue atu ia parauhia.

Ua faahapa atura oia ia ratou no ta ratou mau ohipa ino i rave. Ua riri atura hoi tana mau taata ra ia'na no ta'na mau parau, no te mea ra na te Fatu tana parau ra, aita atura hoi oia i taparahihia. Riro atura ta'na mau parau ei haapeapearaa ia ratou. E rave rahi hoi tei hinaaro ia ite e ia faaroo atoa ia'na. Ua vai'ho atura ratou i ta ratou ra mau ohipa, no te haere atu i te vahi ta'na e faaea ra. Te vai ra hoi fei pii e peropheta oia, te vai atoa ra hoi tei mana'o e maamaa oia. I teie nei ra a faaroo atu ai ratou i ta'na ra mau parau, na papu atura ia ratou e peropheta oia, o tei pee i te e'a o te Fatu.

Na roto i to ratou faarooraa i ta'ua ra mau parau, ua

mata'u a'era ratou. E ua papu atoa'tura hoi ia ratou te aratai atura ta ratou mau hara ia ratou i te pohe. Opua ihora taua mau taata ra i te faaora ia ratou iho, e ua haapao atura i ta Enoha mau parau. I to'na ra puai rahi i ta'na ra ohipa peropheta e te mata'u rahi o taua nunaa ra, ua rurutaina noa ratou e aita a'era ratou i faaea faahou i mna i to'na ra aro.

E rave rahi hoi tei haamata i te tiaturi i ta'na ra mau parau, na roto i te vaihoraa'tu i te mau peu ata o teie nei ao. Tamau noa'tura ra Enoha i te a'o atu ia ratou, e i te mahana hoê, e rave rahi hoi tei tahoê atu i ta'na ra mau faanahoraa. I roto i te hoê taime poto, ua ravai ihora te taata no te hamaniraa i te hoê oire, e te oire ta ratou i faatia ra o Ziona ia. I te mau taime a haere mai ai to ratou mau enemino te aroraa'tu ia ratou, ua aratai atura Enoha i to'na nunaa i te upootiaraa. Ua ri'ari'a roa'tura to'na mau enemii ia'na. Inaha, na roto i te mau mana ta te Fatu i horoa atu ia'na, ua tau i a'era Enoha i te vairaa o te mau mou'a, e te mau purumu o te mau anavai pape, e rave rahi atu â mau ohipa maitai. Ua faaroohia a'era hoi te mau ta'i o te mau riona i roto i te metepala. E ua mahiti atoa maira te hoê fenua apî mai raro mai i te moana. Ia ite a'era ra to Enoha mau enemii i taua mau mea i tupu ra, ua horo atura ratou i te atea e, faatia ai i to ratou mau tiahaparaa. Te vai ra hoi e rave rahi mau taata i taua mau mahana ra, e ua ri'ari'a atoa hoi ratou. Na taime i muri a'e, ua peapea noa atura (ratou) to Enoha ra mau enemii, e ua tupu atura hoi te mau tama'i i te mau vahi i faaeahia e ratou ra. Area ra i

roto i to Enoha ra oire, o tei parauhia Ziona, te vai ra ia te hau, e ua pou maira hoi te Fatu i roto i to'na nunaa o tei parauhia te nunaa parau-tia.

E ere ra te oire ana'e o tei parauhia Ziona, maori râ o taua nunaa atoa ra, oia te nunaa o Ziona, na roto hoi i to ratou vai taeaeraa, e te tahoêraa i te ohipa maitai. Aita hoi e taata veve i roto ia ratou.

E na roto i te viivii ra o te tahi mau nunaa, i teie nei a'o, na opua atura te Atua i te iriti ia Enoha e to'na atoa oire parau-tia, i te vahi atea i taua nunaa ra, e no reira ua afa'i atura Oia ia ratou i te ra'i. Na roto i to Enoha hi'oraa-tu i raro i teie nei ao, ua ite a'era oia i te mau nunaa o tei parahi viivii noa, ua mihi atura oia, e to te ra'i atoa, ua tahe maira hoi to ratou mau roi mata mai te ua te huru, i nia i teie nei ao.

Ua faaite maira hoi te Fatu ia'na, e tuuhia mai te Diluvi i teie nei ao ei faamouraa i taua mau taata ra, e riro atoa te Fatu i te poiete i te hoê ao api ei hi'oraa e, e tau anei ratou i te oraraa i muri a'e i te paremora o te mau nunaa ino. I reira, ua ani atu ra Enoha i te Fatu ia faatia i te hoê o to'na mau fetii ia riro ei haamata i taua ao api ra. O ta te Fatu ia mau parau.

E i to te oire ra o Ziona rave-raa-hia, ua vaiho hia maira hoê o ta Enoha mau tamarii e to'na atoa utuafare i teie nei ao. Te i'oa o taua tamaiti ra o Metusaela ia, oia te taata paari roa'e, i teie nei ao, o tei ora i roto i na matahiti e 969, i teie nei ao. Ua riro atoa hoi oia ei metua no Noa o tei faaorahia i te tau Diluvi.

7; o te
hoi i ra
mau oh
po mah
faataira
teie nei
tamarii
hia i ta

e te ma

hia i m
e te pu
hau, nu
hapii,

Tahua
e to tat
noa ra
parau.

ré na te

maori r
ré mata
te mau

PARAU RII API

Ua haamatahia te arearearaa o te Tiurai i te 11 i te 7; o te ava'e i te matahiti 1953, i te hora 3 i te ahiahi. Aita hoi i rahi mai te mau mataeinaa, a reara e mea maitai roa te mau ohipa i ravehia mai. E teie te mau faataaraa:—Ite po mahana pae, 10, i te hora 8 i te po, ua ravehia te ohipa faatairaa pu i nia ite mahora o Tarahoi, e mea huru au hoi teie nei ohipa, ua amui mai te mau tamarii afa? e te mau tamarii o te haapiiraa a te Frères i to tatou, 12 pehe i faotohia i tana rui ra.

I te po mahana maha, faaineineraa ia ite mau himene e te mau otea, na reira hoi i na rui i muri mai.

Ite 14 ite hora 8 ite poipoi, poroteraa rahi tei ravehia i mua i te aro o te Tavana rahi, mai te faotohia mai hoi e te pupu pu a te u'i apî, no te haereraa o te mau nuu faehau, nuu moana, e te pupu tue popo, e te mau tamarii hapii,

I muri'ho, i te hora 9, faatairaa pu faahou i nia ite Tahua Tarahoi, e rahi atu ia faahiahiaraa o te huiraaatira, e to tatou Tavana rahi atoa. I te reira mau taima, te haere noa ra ia te mau huru ohipa arearea, aita e neheneha ia parau.

Ite po mahana toru e te po mahana maha, haruraa rē na te mau otea, e te mau himene huru rau.

Te tahi ohipa faahiahiia tei ravehia i teie nei Tiurai, maori ra ia te mau faatitiauaraa vaa, ua riro pau roa te mau rē matamua i Tautira, e mea au mau e te faahiahiia maitai, te mau tane e te mau vahine hoe.

I te po 18, ite hora hitu e te afa, ua rave-faahou-hia te mau ohipa o te pu e tae noa'tu ite hora vau e te afa. I te reira taime, na rave hia te mau ohipa tuharaa rê: oia hoi, te himene popaa, tei to Arue ia te rê matamua, te himene maohi, tei to Papara ia, e mea au maitai teie tau na himene.

Te mau otea, tei to Papara ia te rê, tera râ, e mea huru fifi rii te ohipa o te otea, no te mea e mea uana ana'e pauroa.

No te mau ahu maohi, eita ihoa ia te nuu Borabora e roaa, e mea au mau te mau ahu ta ratou i rave.

I te 14 ite hora iva e te afa i te po, ua ravehia te hoê oriraa popaa rahi i nia i te mahora o Tarahoi, ua faahiabria roa matou i teie nei oriraa, e mea mâ mau te ohipa tei rave hia i taua po ra.

Te vai atura â te mau ohipa huru rau o tei rave hia i teie nei Tiurai, na te mau hoa rii ia e faatae haere atu i te reira.

To Tatou Peresideni

Teie hohoa i neneihia i mua nei, o te hohoa ia no te Peresideni matamua no te Ekalesia, o Davida o Make to'na ra i'oa. E (80) vau ahuru tiahapa to'na matahiti, noa'tu ra te reira te rave tamau noa ra oia i ta'na ohipa i te mau mahana atoa. Te vai itoitonoa ra to'na tino, e te haere nei te Ekalesia i mua i raro a'e i ta'na ra faatereraa.